



JALAN LEONG YEW KOH, TAMAN TUN DR. ISMAIL, 60000 KUALA LUMPUR

4 Januari 2017

Kepada Semua Ibubapa SMK Taman Tun Dr. Ismail, Kuala Lumpur.

Tuan/Puan,

Per: Penggunaan Aplikasi WhatsApp Peringkat Kelas di SMKTTDI

Terlebih dahulu izinkan saya mengucapkan selamat tahun baru kepada semua ibubapa dan selamat kembali ke sesi persekolahan 2017 kepada para pelajar SMKTTDI.

Untuk pengetahuan semua, PIBG dengan kerjasama pihak sekolah, telah bersetuju agar setiap kelas di SMKTTDI diwujudkan kumpulan WhatsApp ibubapa dan guru-guru. Tujuan utama pelaksanaan ini adalah bagi memudahkan lagi komunikasi dua hala antara guru kelas dan ibubapa mengenai perkara yang khusus kepada kelas masing-masing.

Bagi saluran maklumat am sekolah, kami menggunakan platform digital yang lain seperti laman web sekolah, SMS Blast dan aplikasi 'Sync'. Oleh itu, kumpulan WhatsApp di peringkat kelas adalah dikhususkan bagi ibubapa dan guru berbincang mengenai perkara yang berkaitan dengan kelas anak tuan-tuan dan puan-puan.

Bagi pelaksanaan kumpulan WhatsApp peringkat kelas ini, kami ingin berkongsi tentang kod etika pengguna seperti dibawah:

1. Hanya perbincangan mengenai perkara-perkara sekolah dan pendidikan dibenarkan. Perkongsian isu-isu yang berbaur politik, perkauman dan agama tidak dibenarkan.
2. Para pengguna harus menjaga adab, tata-tertib ketika mengadakan perbincangan. Perbincangan yang beremosi menggunakan kata-kata kesat adalah dilarang. Kekalkan keharmonian antara ibubapa dan guru dan berbincang sebagai satu pasukan.
3. Memberi masa kepada pihak sekolah/guru untuk memberi respon atau mengadakan perbincangan. Para guru amat sibuk terutama sekali di waktu persekolahan.
4. Isu-isu sensitif dan peribadi harus dibincangkan secara bersemuka dengan pihak sekolah.

Kumpulan WhatsApp ini harus di ketuai oleh pihak ibubapa sendiri untuk membuktikan bahawa ibubapa ingin secara langsung terlibat dalam pembangunan pendidikan dan sahsiah pelajar. Sama-sama kita mematuhi kod etika pengguna agar perhubungan baik dapat dikekalkan bagi kebaikan para pelajar. Buat sementara waktu, saya akan berada didalam semua kumpulan WhatsApp bagi memastikan pelaksanaan yang berkesan.

Sekian, kerjasama dan sokongan tuan/puan amat dihargai dan dapat membantu anak-anak kita di sekolah.

Yang benar,

MAFIZ BIN SETH

YDP PIBG SMK TTDI 2016/17